

# 佛说持世陀罗尼经

唐三奘法师玄奘奉 诏译



南無本師釋迦牟尼佛


## 说明

本简体校正版《佛说持世陀罗尼经》电子书，根据《乾隆大藏经》大乘单译经，第 0488 部，唐三奘法师玄奘奉诏译《佛说持世陀罗尼经》原藏影印本校正。句读仅作参考。

本电子书是免费结缘品。特此说明。

仁慧草堂

二〇一九年三月



扫码关注仁慧草堂微信公众号



## ● 起诵仪

### 香赞

(一遍)

炉香乍爇. 法界蒙薰. 诸佛海会悉遥闻. 随处  
结祥云. 诚意方殷. 诸佛现全身.

南無香云盖菩萨摩诃萨 (合掌三称)

南无本师释迦牟尼佛 (合掌三称)

### 开经偈

(一遍)

无上甚深微妙法 百千万劫难遭遇  
我今见闻得受持 愿解如来真实义

# 佛说持世陀罗尼经<sup>1</sup>

唐三藏法师玄奘奉 诏译<sup>2</sup>

如是我闻：

一时，薄伽梵在憍餉弥国建磔<sup>3</sup>迦林，与大苾刍众五百人俱，菩萨摩訶萨过俱胝数<sup>4</sup>，及诸天、人、阿素洛等无量大众，前后围绕。

时彼国中，有一长者，名为妙月，容范温华，志愿<sup>5</sup>闲远，男女僮仆其数众多，于佛、法、僧深生敬信，来诣佛所，顶礼佛足，绕百千匝，却住一面，合掌恭敬而白佛言：“世尊！欲问如来、应、正等觉少所疑事，唯愿大慈垂愍听许。”

尔时，世尊哀愍彼故，以慈软音告言：“长者，恣汝意问。吾当为汝方便分别，令汝心喜。”

时彼长者，欢喜踊跃，稽首作礼，合掌请言：“世尊！云何善男子、善女人，诸贫贱者可得<sup>6</sup>富贵？诸有病者可令病愈？诸有罪者可令罪灭？诸危惧者可令安乐？”

<sup>1</sup> 大正藏：持世陀罗尼经

<sup>2</sup> 大正藏：大唐三藏法师玄奘奉 诏译

<sup>3</sup> 大正藏：砾；永乐北藏及龙藏：磔

<sup>4</sup> 大正藏：俱胝数；永乐北藏及龙藏：过俱胝数

<sup>5</sup> 大正藏：韵；永乐北藏及龙藏：愿

<sup>6</sup> 大正藏：令得；永乐北藏及龙藏：得

尔时，世尊知而故问：“长者，何缘作如是说<sup>7</sup>？”

时彼长者，重白佛言：“世尊！我等在家，多诸眷属，资财乏少，难可周济，又多疹疾罪累危惧，故请世尊开示方便，令贫贱者得大财位，周给亲属广修惠施，饶<sup>8</sup>益一切仓库无尽；令有病者四大康和，勤修善业身心无倦<sup>9</sup>；令有罪者速得除灭，身坏命终生于善趣。令危惧者身心安乐，亲近供养佛、法、僧宝，速证无上正等菩提。”

尔时，世尊告彼长者：“善男子，我于过去无数劫前，遇佛世尊，名持金刚海音如来、应、正等觉、明行圆满、善逝、世间解、无上丈夫、调御士、天人师、佛、薄伽梵，为欲利乐诸有情故，说陀罗尼，名曰持世，我时闻已，欢喜踊跃，受持读诵，广为他说，利益安乐无量有情，由是因缘福慧增长，速证无上正等菩提，为诸天人说微妙法。今为汝说此陀罗尼，汝天人等皆应谛听，闻已受持，广为他说。此咒神<sup>10</sup>力不可思议，令诸有情皆获利乐。陀罗尼曰：

<sup>7</sup> 大正藏：请；永乐北藏及龙藏：说

<sup>8</sup> 大正藏：锐；永乐北藏及龙藏：饶

<sup>9</sup> 大正藏：倦；永乐北藏及龙藏：倦

<sup>10</sup> 大正藏：神呪；永乐北藏及龙藏：呪神



“苏鲁闭<sup>11</sup> 跋达逻筏底 耆揭丽 頔折  
丽頔折钵丽 囄<sup>12</sup>伽嘶尼 囄<sup>13</sup>鞞达尼 萨写  
罚底 驮娜罚底 达那罚底 室利沫底钵拉  
婆罚底 罽沫丽 毗沫丽 鲁卢苏缕 波毗  
沫丽 頔捺捺悉谛 毗坦悉谛毗湿缚系始  
狭矩丽 茫矩丽 毗毗谜杜杜谜 坦坦丽  
坦洛坦洛 罚折丽罚折丽 羯𪔐羯𪔐<sup>去声</sup> 罚栗  
杀尼 昵𪔐波达尼 罚折洛达洛 娑揭洛  
昵惧衫. 坦他揭耽頔奴飒沫洛 坦他揭多萨点  
<sup>14</sup>飒沫洛 达磨萨点飒沫洛 僧伽萨点飒沫洛  
坦吒坦吒 谱洛谱洛 谱刺<sup>15</sup>耶 跋洛跋洛尼  
苏耆揭丽 扇多沫底 耆揭罗罚底 苏跋达  
洛罚底 阿揭车 阿揭车 三沫阎 阿奴飒  
沫洛莎诃 阿罚刺<sup>16</sup>喃 頔奴飒沫洛莎诃 钵  
刺<sup>17</sup>婆<sup>去声</sup>凡 頔奴飒沫洛莎诃 经栗砧 頔奴  
飒沫洛莎诃 毗折阎 頔奴飒沫洛莎诃 萨  
缚萨埵毗捺阎. 頔奴飒沫洛<sup>18</sup>莎诃

“此陀罗尼具大神力, 若有善男子、善女人,

<sup>11</sup> 大正藏: 坦侄他 苏鲁闭; 永乐北藏及龙藏: 苏鲁闭

<sup>12</sup> 大正藏: 喝; 永乐北藏及龙藏: 囄

<sup>13</sup> 大正藏: 喝; 永乐北藏及龙藏: 囄

<sup>14</sup> 大正藏: 坦他揭多萨点 娑揭洛 昵惧衫 坦他揭耽 頔奴飒沫洛; 永乐北藏及龙藏: 娑揭洛 昵惧衫 坦他揭耽 頔奴飒沫洛 坦他揭多萨点

<sup>15</sup> 大正藏: 制; 永乐北藏及龙藏: 刺

<sup>16</sup> 大正藏: 制; 永乐北藏及龙藏: 刺

<sup>17</sup> 大正藏: 制; 永乐北藏及龙藏: 刺

<sup>18</sup> 大正藏: 沫; 永乐北藏及龙藏: 沫洛

至心受持，广为他说，诸恶神、鬼、天、龙、药叉、人、非人等皆不能害，诸利乐事昼夜增长。若能至诚供养三宝，念诵如是大陀罗尼，经七昼夜时无暂阙，诸天龙神皆生欢喜，自来<sup>19</sup>冥护<sup>20</sup>所须财谷，饥馑疫疠皆悉消除，所有罪障无不殄灭，一切危惧并得安宁，福慧渐增，所求如意，速证无上正等<sup>21</sup>菩提。”

尔时，佛告妙月长者：“汝应信受此陀罗尼，忆念诵持，广为他说，所求利乐无不谐遂。”

时彼长者，闻佛所说，欢喜踊跃，而白佛言：“我能受持，广为他说，利益安乐无量有情，唯愿世尊慈悲护念。”

世尊告曰：“如是！如是！”

时彼长者，合掌恭敬，右绕世尊百千匝已，顶礼佛足，欢喜而去。

尔时，世尊告阿难曰：“妙月长者诸库藏中，种种财谷今悉盈满。”

尊者阿难欢喜白佛：“何因缘故妙月长者诸库藏中欵然盈满？”

佛告阿难：“妙月长者闻我所说大陀罗尼，

<sup>19</sup> 大正藏：末；永乐北藏及龙藏：来

<sup>20</sup> 大正藏：雨；永乐北藏及龙藏：护

<sup>21</sup> 大正藏：觉；永乐北藏及龙藏：等



深信欢喜，受持读诵，愿为无量有情宣说，由斯福力库藏皆满。汝等亦应受持读诵，广为他说此陀罗尼，令此三千大千世界诸有情类，皆得利乐。我观世间天魔梵等，无能毁越此陀罗尼，文句正真不可坏故，诸薄福者不可得闻。所以者何？如是章句，三世诸佛同所称扬，以不思議神力加被，令闻持者皆获利乐。”

尊者阿难深心欢喜，以妙伽他<sup>22</sup>而赞颂曰：

诸佛不思議 所说法亦尔  
能正奉行者 果报亦复然  
一切智法王 灭生老病死  
已到胜彼岸 稽首大觉尊

尔时，阿难踊跃欢喜，礼佛合掌白言：“世尊！今此法门当名何等？我等今者云何奉持？”

佛告阿难：“此名‘妙月长者所问’，亦名‘能感一切财位’，亦名‘愈疾’，亦名‘灭罪’，亦名‘能除一切危惧’，亦名‘诸佛同所称扬’，亦名‘诸佛神力加被’，亦名‘持世陀罗尼经’。汝当奉持<sup>23</sup>，勿令忘失，利益安乐一切有情。”

时，薄伽梵说此经已，无量声闻及诸菩萨，

<sup>22</sup> 大正藏：陀；永乐北藏及龙藏：他

<sup>23</sup> 大正藏：行；永乐北藏及龙藏：持



并诸天、人、阿素洛等一切大众，闻佛所说，皆大欢喜，信受奉行。

佛说持世陀罗尼经

## ● 结诵仪

### 补阙圆满真言

(三遍)

唵. 呼嚧呼嚧. 社曳穆契. 莎诃.

### 普回向真言

(三遍)

唵. 娑麼嚩. 娑麼嚩. 弭麼曩. 萨嚩诃. 摩诃斫  
迦嚩嚩吽.

南無本师释迦牟尼佛 (合掌三称)

南無护法诸天菩萨 (合掌三称)

### 回向偈

(一遍)

愿以此功德 庄严佛净土  
上报四重恩 下济三途苦  
若有见闻者 悉发菩提心  
尽此一报身 同生极乐国

十方三世一切佛. 一切菩萨摩诃萨. 摩诃般  
若波罗蜜



## 三皈依

(一遍)

自皈依佛，当愿众生，体解大道，发无上心；  
自皈依法，当愿众生，深入经藏，智慧如海；自  
皈依僧，当愿众生，统理大众，一切无碍。和南  
圣众。



此咒置经书中可灭误跨之罪

南无护法韦驮尊天菩萨

